



Ubufakazi-besikhathi esizayo
bezingane zethu

SS 4

Isihloko sesifundo: Indlela esicela ngayo uma sikhuleka.

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: “Indlela esicela ngayo uma sikhuleka”.

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Isenzo
1.	Finyelela ku Webhusayithi ye-New Apostolic Church ngokufaka noma ngokuchofa kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga SS4. 2.4: Uyacelwa uthinte uThisha wakho wesikole sangeSonto uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Isenzo
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. <i>Isibonelo:</i> Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha.



Isifundo

Isihloko	Indlela esicela ngayo uma sikhuleka.
Umbhalo weBhayibheli	UMathewu 6: 8
Inhloso yesifundo	Njengabantwana bakaNkulunkulu siyakhuthazwa ukuba silethe izicelo zethu kuNkulunkulu ngokukholwa nokuthembela emkhulekweni.

Isifundo esifingqiwe:

- UBartimewu akazange avumele abantu ababemzungezile ukuba bamthulise lapho ememeza uJesu.
- Ngokunjalo nathi kumele siphikelele, ngokukholwa nangokwethemba, silethe izicelo zethu kuBaba wethu osezulwini. Futhi singavumeli abanye ukuba basiyekise ukukhuleka kuNkulunkulu.
- UBartimewu waphikelela ecela usizo.
- Kufanele siphikelele futhi ngokubekezela sicele uBaba wethu osezulwini asisize.
- UBartimewu wacela usizo kuqala. Kungesikhathi iNkosi imbuza ukuthi ufunani, lapho azwakalisa khona isifiso sakhe sokuba akwazi ukubona.
- Asifuni ukutshela uBaba wethu osezulwini ukuba kufanele asisize kanjani. Intando yaKhe ingoba ngaphezu kwakho konke okunye. Uyazi ukuthi singasizwa kanjani kangcono.
- UBartimewu wathembela ngokuphelele emandleni kaJesu. Wakholelwa ukuthi iNkosi uJesu ingamphulukisa.
- Kufanele sicele ngokukholwa okuqinile futhi sethembe ukuthi zonke izinto zingenzeka eNkosini.
- Siyawubonga umusa nobuhle beNkosi.
- Siyazibonga iziNceku, abaZali bethu kanye noThisha bethu.
- Siyabonga ngazo zonke izinto iNkosi esenzela zona.
- Sibonga uthando nokuvikelwa kweNkosi.
- Sikhulekela imiphefumulo esenhlalweni yabalele.
- Sikhulekela abagulayo, abampofu nalabo abalahlekelwe yithemba.
- Sikhulekela umakhelwane wethu.
- Sikhulekela uMoya oNgcwele ukuba usihole.



Ingabe sisho ukuthini lesisifundo kithina namhlanje na?

- Sibonga iNkosi ngakho konke esinika kona.
- Singaletha zonke izicelo nokukhathazeka kwethu eNkosini.
- Sikhulekela abazali bethu, odadebethu nabafowethu, izinceku, othisha, umndeni nabangane.
- Kufanele SIKHOLWE FUTHI SETHEMBE ukuthi konke kungenzeka ngeNkosi.
- Sicela iNkosi ukuba ifushanise isikhathi futhi ithumele iNdodana yaKhe ngokushesha.

Eminye imibuzo esingayibuza:

1. Lisho ukuthini igama elithi umkhuleko na?

Impendulo: Ukukhuluma / Ukuxoxa noNkulunkulu.

2. Yiziphi izinto ezimbalwa ezenza sibonge iNkosi na?

Impendulo: Bonga uNkulunkulu ngomusa nesihe saKhe.

a. Ngokusivikela.

b. Abazali abasinakekelayo, abafowethu nodadewethu, izinceku, abangane.

c. Bonga uNkulunkulu ngoMoya oNgcwele.

3. Yini esingayicela eNkosini emikhulekweni yethu na?

Impendulo: Ukuvikelwa eubini / Ukuthethelelwa izono / Ukuhlinzeka abaswele / Ukusiza abagulayo (noma iyiphi impendulo efanele).

4. Kufanele sithandaze kanjani na?

Impendulo: Kufanele sibe nokholo futhi sethembe ukuthi iNkosi izowuzwa umkhuleko wethu.



UMkhuleko Wethu.

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen

Baba siyabonga ngalolu suku.

Umsebenzi waKho mkhulu Nkosi ethandekayo futhi siyakubonga ukuba sibe yingxenye yalomsebenzi omangalisayo.

Ngiyabonga ukuthi sikwazi ukukhonza izingane zethu zesikole sangeSonto ngaphansi kwalezi zimo.

Busisa bonke abazali bezingane zethu kanye nothisha besikole sangeSonto nomaphi lapho behlangana khona ukuze babe nezifundo zabo.

Ngisebenzise manje njengethuluzi ukuletha izwi laKho ezinganeni zethu ukuze izingane zethu ziqonde umsebenzi waKho wensindiso.

Ngegama likaJesu ngiyakhuleka "Amen".